

Öreigar og kúgaðar þjóðir heims sameinist!

Stéttabaráttan



Ert þú
áskrifandi
að viku-
blaði
verkafólks?

Málgagn Kommúnistaflokks Íslands/Marxista-Lenínista

7. tölublað

Þriðjudagur 14. febrúar 1978.

7. árgangur

Verð kr. 80.-

Mætum kjaraskerðingunni með skæruverkföllum

Ekki eru liðnir átta mánuðir frá sölstöðusamningum ASÍ s.l. vor, þegar ríkisvaldið gerir þá ómerka með lögum frá Alþingi. Gengisfellingin er fyrir þá auðmenn sem útflutningsafurðirnar eiga, en skerðing vísitölubótanna og þeirrar kauphækkunnar er samið var um að til útborgunnar kæmu 1. mars kemur öllum at-

vinnurekendalíf og öðrum bröskurum í borgarastéttinni til góða. Kaupið er ekki beisið fyrir, lægstu laun eru rétt rúmlega 100 þúsund á mánuði eða um fjórðungur af meðalkaupi þingmanna. Þau miklu efnahagsvandræði sem nú steðja að eru ekki tilkomin vegna góðra kjara verka-

fólks, kjör okkar hér eru svo miklu lakari heldur en í nágrannaríkjunum sem hafa svipaða þjóðarframleiðslu á hvern íbúa. Efnahagsvandræðin eru algjörlega á ábyrgð þeirra er atvinnutæki þjóðarinnar eiga í þeim tilgangi að arðræna verkafólk, auk þess sem borgarastéttin ráðskast með fjárhirslur ríkissjóðs er verkafólk fjármagnar með sköttum.

Verkafólk stjórnar ekki atvinnutækjum þjóðarinnar eða fjárfestingum, við slítum okkur aðeins út mirkranna á milli til að auka gróða og lúxuslíf þeirra er til borgarastéttarinnar teljast. En nú á enn einu sinni að ráðast heiftarlega á kjörin, við verkafólkið eigum að bera efnahagsvandræði auðmannanna með því að minnka við okkur


lífsins gæði, sem eru vel að merkja afraxtur okkar vinnu.

Miðstjórn ASÍ hefur skorað á verkafólksfélög innan sinna vébanda að segja upp kaupliðum þeirra samninga sem nú er ráðist á. Baráttan framundan

kemur til með að verða mjög hörð, verkafólksshreyfingin má í engu hvika frá þeirri kröfu að engar kjaraskerðingar verði á þeim smánarlega lágu launum er við vinnum eftir. Það verður að beita áhrifaríkum aðferðum ef takast á að brjóta á bak aftur þessa ósvífna árás atvinnurekenda og ríkisvalds þeirra, jafnvel þó að þær brjóti í bága við núverandi vinnulöggjöf. Það eru lýfsskjör okkar, kvenna okkar og barna sem við verðum að verja, með miskunnalausum skæruverkföllum er sannað hafa að vera áhrifaríkasta leiðin í baráttunni við árásir atvinnurekenda. Þær verfallsnefndir sem myndaðar verða hjá verkafólksfélögum verða að vera vel á varðbergi gegn líkindum þeirra er nú ráða í ASÍ - forystusveitinni, reynsla undanfarinna ára hefur kennt okkur að margir forystumenn þar taka mjög mikið tillit til greiðslugetu atvinnurekenda og hins sifellda barrlóms þeirra.

Við eigum í baráttu við tvo óvini, borgarastéttina sem reðst á kjör okkar og talsmenn hennar innan verkafólksshreyfingarinnar er reyna á allan hátt að sundra og draga úr baráttuþreki okkar. Við skulum ætíð hafa þessa stað reynd hugfasta og þá sérstaklega nú, þegar við leggjum út í harða baráttu til að vernda lífsafkomu alþýðheimilanna.

og sýndu ekki á sér fararsnið. Þvert á móti fóru þeir fram á landsvæði fyrir flotastöðvar og juku hernaðarlega og tæknilega "aðstöð" sína. Rússarnir höfðu hins vegar stutt Lon Nol stjórnina alveg fram á lok stríðsins í Kambódíu og þeim var vísað úr landi eftir að Rauðu khmerarnir tóku völdin í aprílþyrjun 1975. Eftir stríðið völdu löndin tvö ólíkar leiðir í uppbyggingarstarfi sínu. Vietnam treysti á aðstöð frá Sovétríkjunum og varð í staðinn að líða návist þeirra. Kambódía valdi að byggja upp af eigin rammleik. Þar hófust menn handa framhald á síðu 2



langvarandi og blóðugu styrjöld lauk í apríl 1975. Bandarísku heimsvaldasinnarnir höfðu raunverulega haldið stærri borgum eins og Phnom Pehn og Saigon uppi fjárhagslega - grundvöllurinn undir stríðsrekstri Saigon-klíkkunnar og Lon Nol stjórnarinnar var ekki sjálfstæður atvinnurekstur landanna tveggja, heldur milljarðafjárstuðningur frá Bandaríkjunum. Þess vegna lifðu milljónir manna á nærveru bandaríska hersins og stór hluti þjónustu og atvinnureksturs miðaðist við stríðið. Þegar stríðinu lauk var grundvöllinum svipt undan þessari tilveru, eftir voru eyddir akrar og sundursprengdir mannvirki. Það verður einnig að hafa þá staðreynd í huga, að bæði löndin og sérstaklega Vietnam höfðu notið víðtæks fjárstuðnings meðan á stríðinu stóð og þurftu að því

Hverjar eru raunverulegar orsakir Indókiná-deilunnar

Margir hafa áreiðanlega undrast að Vietnam og Kampúchea skyldu berast á banaspjótum, aðeins tveimur árum eftir að þessi ríki heimtu frelsi sitt úr heljargreipum bandarísku heimsvaldastefnunnar. Fljótt á lítið virðast fréttaskýringar

vestrænna dagblaða vera góðar og gildar. En ef málið er athugað nánar, sést greinilega að átökin orsakast alls ekki af "aldagömlum viðsjám" ríkjanna tveggja. Til þess að skilja deilurnar verður að leita aftur í söguna og hafa jafnframt núverandi

efnahagslegt og pólitískt ástand

Efnahagslegir örðugleikar eftir stríðið.

Bæði löndin voru hart leikin efnahagslega, þegar hinni

loknu að takast á við uppbyggingarstarfið af eigin rammleik. Í Vietnam höfðu Sovétríkin veitt mikla hernaðaraðstoð og fjármálaaðstoð meðan stríðið geislaði. Þegar því lauk voru sovésku sósíalheimsvaldasinnarnir búnir að hreiðra um sig í landinu

Ian Smith riðar til falls

Hvíta minnihlutastjórnin í Rhodesíu eða Zimbabwé, eins og landið heitir á máli innfæddra, riðar nú til falls. Þrátt fyrir að Ian Smith hafi safnað hvíta minnihlutunum að baki sér í síðustu kosningum, hefur staða kynþáttakúgaranna aldrei verið eins ótrygg. Í landinu býr tæplega hálf milljón hvítar en 4 milljónir svartra. Hvítir njóta alls kyns forréttinda, en meirihlutinn er kúgaður á ómannlegan og hryllilegan hátt. Þrátt fyrir ógnarstjórn Smith-stjórnarinnar hefur svört alþýða Zimbabwé skipulagt sig til baráttu fyrir frelsi sínu og unnið bæði þýðingarmikla hernaðarlega

sígra og unnið heimsálitið á sitt band.

Vopnuð barátta fyrir frelsi.

Skæruliðasveitirnar í Zimbabwé hafa á síðasta ári unnið mikilvæga hernaðarlega sígra. Nærfellt 2000 stjórnarhermenn voru felldir á árinu sem leið og hernaðarleg mannvirki jöfnuð við jörðu. Auk þess hefur alþýðuherinn ZANU tekið miklar vopnabirgðir herfangi og eyðilagt vopn og útbúnað andstæðingsins. Skæruliðasveitirnar sem lúta forystu ZANU hafa þannig snúið vörn upp í sókn og knúið kynþáttakúgarana að

samningaborðinu. Meðan vopnaða baráttan var á frumstigi og árangurinn enn lítill létu stórveldin Rhodesíudeiluna, eins og hún er kölluð, sig engu skipta. En eftir að sýnt er orðið, að skæruliðaherirnir muni steypa stjórn Smiths og koma á sósíalisma, hafa Stóra Bretland og Bandaríkin blandað sér æ meira í málið. Nú sem stendur eru Mugabe og J. Nkomo, leiðtogar ZANU staddir á Möltu til samningaviðræðna við breska utanríkisráðherrann, en sambærilegir fundir hafa áður átt sér stað í London - án umtalsverðs árangurs. Tilraunir Smith-stjórnarinnar til þess að kaupa

hluta af andspyrnuhreyfingunni og gera hana að lítilvægunum þeim sínum, hefur heldur ekki borið tilætlaðan árangur. Nýlega lagði Smith fram tillögu að "lýðræðislegri" breytingu Rhodesíu á fundi sem hann hélt með Muzurewa biskup og Sithole, framhald á síðu 3



LEIDARI

Verkalýðsfélögin gegn kjaraskerðingunni

Það hefði sennilega enginn búist við að ríkisstjórnin gripi til svo róttækra ráðstafana í kjaraskerðingarátt og nú er ljóst orðið. Ekki það að ríkisstjórnin hafi ekki haft fullan hug á að grípa til þessara og mun grófari aðgerða, heldur það að þetta verður sennilega ekki til að auka vinsældir stjórnarflokkana. Nú er orðið nokkuð stutt til kosninga og það er því ljóst að þetta hefur verið örþrífarað og þeir eru því tilbúnir til að fórna nokkrum atkvæðum fyrir fleiri krónur í sjóði fyrirtækja sinna.

Gengisfellingin hefur þær afleiðingar að gróði útflutningsatvinnuveganna eykst stórlega. Einnig aukast eignir erlendis um það sem gengið var fellt hvort sem Íslendingar eiga það í innistæðum í erlendum bönkum eða erlendum fyrirtækjum. Dagblaðið fullyrðir að Jón Sólmes eigi nokkrar milljónir í Finansbankan.

Hann græðir því beint með því að greiða gengislækkuninni sitt atkvæði, Sólmes gætir því eigin hagsmuna á þingi. Það mætti benda á fleiri sem : Framsóknar-

þingliðið gætir hagsmuna Sambandsins og útflutnings þeirra um leið og eignir þeirra hækka um hundruð milljóna vegna ákvörðunarinnar um gengislækkunina. Það sama er að segja um þinglið Sjálfstæðisflokksins þar sem flokkurinn er á ótal vegu bundinn við atvinnurekendur bæði beint og óbeint.

Það frumvarp sem ríkisstjórnin leggur síðan fyrir um að skerða nügildandi kjarasamninga um 10-12% er síðan gert fyrir þá kapitalista sem ekki starfa við útflutning. Þessar ráðstafanir eru því gerðar af stjórnarflokkunum til að hver fái sitt í flokksslíkunum fyrst gengisfelling fyrir útflutninginn og síðan kjaraskerðing fyrir innlendann markað. Það er óhætt að segja að auðherrarnir eigi sína talsmenn á þingi og þeir sjá um að gróði þeirra skerðist ekki þratt fyrir vissa erfiðleika. Kreppunni er í auknum mæli velt

yfir á herðar verkalýðsins og stóðugt er þrengt að kjörum hans og allri afkomu. Það er kannski frekar táknrænt að meðan alþingismenn eru að ganga svo gróflega að kjörum alls þorra launafólks eru þeir nýlega búnir að hækka sín eigin um 80%. Auk þess sem þeir hafa öll fríðindi og annað aukalegt skattfrjálst, en beinar tekjur þeirra í dag eru um 400.000 kr. á mánuði.

Þetta sýnir og sannar kannski betur en margt annað hvað hægt er að vera ósvífinn en löglegur ræningi á Íslandi í dag. Greinilegur þjófnaður úr launaumslögum verkafólks er látin heita efnahagsráðstafanir ríkisstjórnarinnar og skattsvik og óeðlilegar launagreiðslur til alþingismanna, laun vegna aukinna útgjalda og kostnaðar vegna dýrtíðar.

Það er ekki einasta augljóst að því þingliði sem nú situr er ekki treystandi til neins nema óhæfuverka vegna spillingar og mútubægni heldur er líka ljóst að stofnunin sem slík, ríkisbákníð er gegnumrotið. Aðal einkenni þess er spilling svik og þjófnaður. Slíku kerfi er því ekki treysta íd til að rétta þjóðfélagið við eða vernda hagsmunir alþýðunnar. Það er augljóst að þeir verða ekki settir fram af fullri einurð nema af samtökum alþýðunnar sjálfar, verkalýðsfélag og annara fjöldasamtaka. Megin áherslu verður því að leggja á að verkalýðsfélögin hefji nú þegar öfluga sókn gegn kaupránsstefnu ríkisvaldsins. Sjálfkjörnum fulltrúum eða opinberum embættismönnum verður ekki treystandi til neins slíks því þar á verkafólk sér enga fulltrúa heldur aðeins óvini.

Krafan er því aðgerðir strax, hugsanlega yfirvinnubann og eða skæruverkföll sem fylgt verður eftir með allsherjarverkfalli 1. mars er sú leið sem fara verður. Undansláttur nú mun óhjákvæmilega hafa ósigur í för með sér, ekkert annað en öflug sókn kemur til greina. Aðeins hún getur fært sigur við núverandi aðstæður, en það getur líka skipt sköðum um það hvort laun verkafólks verði færð aftur á bak svo nemi áratugum

framhald af baksíðu

A Kvinnahreyfingin að berjast gegn heimsvaldastefnunni?

fyrir réttindum okkar." Já, hvað var nú þetta? Þjóðir 3. heimsins urðu margt að þola þegar heimsvalda stefnan teygði sig yfir hnöttinn. Grundvöllinum var kippt undan atvinnulífi fólksins, menning þess var slitin upp með rötum -það voru komnir nýir herrar með nýja síði. Heimsmynd þessa fólks var brotin niður og í hennar stað byggð önnur og framandi. Allt verðmætamat breyttist, það sem áður var gott og gílt var nú einakís virði en áður óþekktir þættir fengu gildi. Ofan á allt þetta átti svo að bætast að konan hatti að sinna heimili og eiginmanni og fjölskyldulífið færi einnig í upplausn. Var nema von að þegar allri haldfestu var svo gjörumlega kippt undan tilveru grundvelli fólksins, þá skapaði það með því öryggi og skort á sjálfstrausti? Þessir nýju herrar voru líka svo djöfull voldugir, með allan sinn her og alla sína tækni. Heimsvaldastefnan réðist ekki aðeins á menningu þessa fólks, heldur færði einnig með sér arðrán og

kúgun. Það er þetta ástand sem konum 3. heimsins finnst brýnna að berjast gegn, en að krefjast sömu möguleika og karlar á verða bankastjórar prestar eða lögfræðingar.

Er það þá rétt að það sé brýnna fyrir baráttu þjóða 3. heimsins að konur standi við hlið eiginmanna sinna, en að þær krefjist jafnréttis? Þetta mál hefur eins og öll önnur tvær hliðar, - það er bæði rétt og rangt. Það væri rangt ef það leiddi til þess að konur tækju ekki þátt í baráttunni sjálfar, heldur sætu bara heima og hughreystu eiginmennina. Alþýðan vinnur ekki nokkra baráttu ef helmingur hennar situr hjá. Því hafa kommúnistar alltaf bent á og benda enn á, að án þátttöku kvenna er byltingin óframkvæmanleg. Við skulum því líta á réttu hliðina. Hún er sú að konur standi við hlið karla með þátttöku í baráttunni. Því vinna framsæknar kvinnahreyfingar nú að því að fá bæði karla og konur til að líta á hvert annað sem jafningja og bandamenn en ekki sem samkeppnisaðila.

Heimsvaldasinnur er ljós hætta sem fylgir samstöðu alþýðunnar og reyna þeir því allt til að sundra henni, ýmist með því að etja saman kynbáttum, skaparíg milli verkafólks með mismunandi launum, eða með sundrun karla og kvenna. Í síðast talda atriðinu birtist m.a. sérstaða kvinnahreyfingarinnar í baráttunni gegn heimsvaldastefnunni. Heimsvaldasinnur reyna að hafa þeir geta til að telja alþýðuna manna trú um að allt sem þurfi til að öðlast "hina gömlu góðu daga" sé að konurnar haldi sig á heimilinu. Með þessu vonast þeir til að geta viðhaldið sundrunu alþýðunnar. En alþýðan er að gera sér ljóst að frelsið fæst ekki með því að hverfa aftur til fornra hátta, heldur með því að reka af höndum sér kúgara sína-innlent og erlent auðvald- og byggja þess í stað eigið þjóðfélag, sósíalismann.

Sérstaða kvinnahreyfingar í baráttu gegn heimsvaldastefnu er að vinna að samstöðu karla og kvenna til baráttu gegn heimsvaldastefnunni. Án þátttöku kvenna verður engin bylting gerð. En með sameiningu alþýðunnar er stórt skref stigið til grundvallar sigursællar baráttu. SAMSTAÐA KVENNA OG KARLA GEGN ALLRI HEIMSVALDASTEFNU.

Hverjar eru raunverulegar orsakir Indókína-deilunnar

framhald af forsíðu

við að treysta grundvöllinn undir atvinnulífi landsins - landbúnaðinn. Milljónaborgin Phnom Pehn, sem vaxið hafði upp úr bandarísku gjafakorni hefði á skömmum tíma orðið hungursneyð að bráð, ef yfirvöld landsins hefðu ekki gripið til þess ráðs að virkja alla borgarbúa í landbúnaðarframleiðslu. Meirihlutinn hélt til sveitanna og tók til við akuryrkju. Minnihlutinn, mest menntafolk og fyrrum handbendi bandarísku heimsvaldsinnanna, undu ekki líkamlegri vinnu og flúðu til ná grannaríkjanna. En ofan á eyðileggingu styrjaldarinnar hefur bæst geysilegt þurrviðri sem þegar hefur valdið uppskerubresti í Laos og Vietnam svo alvarlegu í Laos, að ráðamenn þar hafa beðið umheiminn um aðstoð til að hindra hungursneyð. Kambódía hefur ekki orðið eins illa úti í þurrkunum, einmitt vegna þeirrar áherslu sem lögð var á landbúnaðinn og þeirrar staðreyndar að síðan stríðinu lauk hefur víðtækt áveitukerfi verið byggt um landið allt.

Meðan á baráttunni gegn bandarísku heimsvaldastefnunni stóð, höfðu kommúnistaflokkar Vietnam, Kambódíu og Laos sameinað baráttu sína og náin vinabönd sköpuðust milli ríkjanna þriggja. Ho Chi Minh hinn mikilhefi leiðtogi vietnamsku alþýðunnar var ekki síður virtur og elskaður af stríðandi alþýðu Laos og Kambódíu. Meðan á frelsisstríðinu stóð, var hugmynd hans um Indókínverskt sambandsríki mjög nærtæk. En eftir að Sovétsku sósíalheimsvaldsinnarnir tóku sér bólfestu í hinu stríðshrjáða Vietnam, hefur djúptækur klofningur skapast milli ríkjanna þriggja. Hugmyndin um Indókínverskt sambandsríki var tekin upp af Rússum og í tilraunum sínum til að ná föttestu í Asíu, reyna þeir nú ákæft að skapa slíkt sambandsríki. Hafa verður í huga að Vietnam er fjölmennasta landið og þróaðast að auki Indókínverskt sambandsríki yrði því undir forystu þess, a. m. k. hvað varðar efnahags- og utanríkismál. Þessi fyrirætlun Rússa, að sundra alþýðu

Indókína og beygja hana undir kúgun sína, hefur þegar beðið skipbrot, þrátt fyrir ítök Sovétríkjanna í Vietnam. Það sýnir best sú styrjöld milli Kambódíu og Vietnam, sem staðið hefur síðan í september á síðasta ári. Vietnamar hafa þegar yfir 30 þús. manna herlið á Laos og þar eru einnig rússneskir ráðgjafar í þúsundatali. En tilraunir þeirra til að leika sama leik í Kambódíu hafa mistekist og alþýða Kambódíu hefur sýnt í verki, að hún óttast hvergi og er reiðubúin að verja sjálfræði sitt. Undir forystu Kommúnista flokks Kambódíu mun hún aldrei gefa eftir fyrir ógnum sósíalheimsvaldasinnna eða annarra.

Sovétríkin bera ábyrgð á ofríðinum.

Sovétsku sósíalheimsvaldsinnarnir hafa afhjúpað landvinninga- og fhutunarstefnu sína ljóslega á undanfögnu ári. Þeir hafa blandað sér í innanríkismál fjölmargra Afríku- og Asíuríkja og segja má, að hvarvetna þar sem styrjöld brýst út, hafi Sovétríkin hönd í bagga. Þegar Angóla vann frelsi sitt undan portúgölsku nýlendastefnunni, varð alþýðu landsins ekki unnað að taka til við friðsamlega uppbyggingu lands síns. Þar logar enn borgarastyrjöld og orsakir hennar eru einvörðungu af skipti Sovétríkjanna af innanríkismálum Angóla. Hið sama er uppi á teningnum í Indókína; friðsamleg uppbygging landanna þriggja getur ekki orðið að veruleika fyrr en sovéska sósíalheimsvaldastefnan hefur verið sigruð og gerð burtræk úr Indókína. Þar má sjá enn eitt dæmið um stjórnlíst sovétsku kúgaranna. Þeir sundra alþýðunni í nafni sósíalismans; etja alþýðu eins lands gegn alþýðu annars, í þeim tilgangi að drottna sjálfir. Hin gamla stjórnsregla heimsvaldastefnunna - að deila og drottna - er kjarninn í stjórnlíst sovétsku sósíalheimsvaldasinnanna. Það er ekki fjandskapur milli tveggja þjóða, milli vietnama og khmera sem orsakar landamæraðeilurnar, það er fhutur sovéska risaveldisins og vírtir landvinningastefna þeirre sem veldur.

'Askrifendur athugið!

Lausasala kr 80.-	
Heilt ár eða 48 tölublöð	Baráttuáskrift kr. 5.500.-
" " " "	Venjuleg áskrift kr. 3.500.-
Hálft ár eða 24 tölublöð	" " kr. 2.000.-
Erlendis, sent vikulega, 48 töl.	kr. 7.000p-
Erlendis sent hálfsmánaðarlega (2 blöð í einu)	kr. 5.500.-
Til öryrkja og aldraðra, heilt ár	kr. 500.-

HAFIÐ SAMBAND VIÐ KOMMÚNISTAFLOKK ÍSLANDS M-L

● **Miðstjórn og ritstjórn**
Stéttabaráttunnar, sfmí;
27810 og pósthólf 1357, 121R.
einnig í Rauðu Stjórnum
bókabúð, Lindargötu 15,
Opíð mánud. - föstud. 15-18, 30

● **Akureyri: Jón Atli**
Játvarðsson, Hafnarstræti 23.
● **Hafnarfjörður:** Fjola
Rögnvaldsd, Reykjavíkur-
vegi 24.
● **Hornafjörður:** Skúli
Waldorff, Silfurbraut 2.
● **Neskaupstaður:** Messíana
Tómasdóttir, Þiljuvöllum 38.

● **Snæfellsnes: Sigfus**
Almarsson, Hellisbraut 10
● **Hellissandi, og Císlí**
Hjaltason, pósthólf 63,
Stykkishólmi.
● **Suðurnes: Einar Jónsson**
Sólvallargötu 40c, Keflavík.

● **Danmörk: Magnús**
Þorgrímsson, Börslum
Kollegiet v. 444 Börslum-
vej 2, 8240 Risskov.
● **Svíþjóð: Kristján L.**
Guðlaugsson, Kámnarsvægen
11 N: 220. 222 46 LUND

Byltingaráróður á kvikmyndahátíð

Dufpakur

Á nýfstaðinni kvikmynda-hátíð í Reykjavík, kenndi margra grasa. Kvíkmyndirnar voru frá einum 15 löndum, gerðar við hinar ólíkustu aðstæður og túlkuðu mjög mismunandi viðhorf höfunda sinna til samtímans og þess umhverfis, sem þær eru gerðar í. Allar hafa þær víst hlotið viðurkenningu fyrir listrænt gildi, en hér skal enginn dómur lagður á það, hvort slíkt gildismat sé réttlætlegt með öllu eður ei.

Það er að sjálfsögðu ekki ætlunin að fara að rekja hér efnisþráð þessara mynda; þess í stað verður látið nægja að segja frá einni þeirra, kvík myndinni Fyrirheitna landið, gerðri af chileanska kvíkmynda-höfundinum Miguel Littin.

Fyrirheitna landið er tekin í Chile á valdatímum stjórnar Allendes. Höfundinum tókst ekki að ljúka við endanlega gerð hennar í föðurlandi sínu vegna valdarans hersins í september '73. Hann var einn þeirra fjölmörgu manna, er fluttir voru á knattspyrnuvöllinn í Santiago þar sem herinn framdi hin hroðalegustu pytingarverk á fólki, sem honum var ekki að skapi. Um síðir

tókst Littin að sleppa þaðan og flýja til Kúbu þar sem hann lauk endanlega við kvíkmyndina.

Þeir atburðir, sem Fyrirheitna landið lýsir, eiga sér stað um 1930 eða þegar heims kreppan er í algleymingi. Hún segir frá fátækri bændaalþýðu, sem misst hefur aleigu sína í kreppunni og verður að flýja landshorna á milli. Að lokum rekst fólkið á frjósaman dal þar sem það reisir bú og tekur að yrkja jörðina. Um þessar mundir er hugmyndafræði kommúnismans að breiðast út um öll lönd, fyrst og fremst vegna áhrifa frá októberbyltingunni í Rússlandi. Stjórnarskipti verða í Chile, umbótasinnuð stjórn kemst til valda. Bændurnir skipta með sér jörðunum. Það ástand varir ekki lengi, enn verða stjórnarskipti og um síðir tekst að valdinu með vopnvaldi að brjóta á bak aftur uppreisn alþýðunnar.

Með þessari mynd tekst Miguel Littin á svo snilldarglegan hátt að sameina byltingarsinnnað innihald og listrænt form að úr verður mjög áhrifa ríkt kvíkmyndaverk. Myndin er sannkallaður byltingaráróður

þar sem blandað er saman við hverdagslegt raunsæið alls kyns táknmyndum, söng og ljóðlist. Allt er þetta tjáð á svo stílrænan og trúverðugan hátt, að útkoman verður í senn heillandi og fagurt kvíkmyndaverk.

Þrátt fyrir að her hinna nýju valdhafa takist í lok myndarinnar að stráfella hina hetjulegu bændaalþýðu ber engan veginn að skilja þessa mynd sem eitthvert bölsýnisverk. Þær táknmyndir, sem birtast okkur í lok kvíkmyndarinnar sýna ótvírætt fram á, að baráttu alþýðunnar gegn kúgunaröflunum muni halda áfram og að sú baráttu geti einungis verið háð með vopnum.

Óneitanlega leiða þessar táknmyndir hugann að því, sem raunverulega varð Allende-stjórninni að falli. Mistök alþýðuhreyfingarinnar, sem studdi Allende til sigurs í kosningunum, fólust fyrst og fremst í því, að alþýðan háði baráttu sína án vopna. Og ósigur alþýðunnar kostaði miklar og sárar förnir. Af þessu verða allir sannir baráttumenn gegn heimsvaldastefnu og afturhaldi, hvar sem það birtist, að læra.



Atriði úr myndinni FYRIRHEITNA LANDIÐ.

framhald af baksíðu

Látum hundrað blómblómstra

aralegum ítrodsluformúlum, einsog tilvitnunin gefur í skyn. En því miður hefur sá borgaralegi áróður að þetta sé skoðun kommúnista á list fest rætur ansi víða. Það kemur m. a. fram í þeirri barnalegu afstöðu sumra kommúnista, að öll list sem ekki fjallar um stéttabaráttu útfrá sjónarmiði byltingarsinnans sé borgaraleg. Samkvæmt þessu er tónlist án texta óhjákvæmilega borgaraleg. Það getur jafnvel gengið svo langt að það sé "slappt" af listamánni

að ræða kjör verkamanna án þess að "benda á hina réttu leið". Það er að segja að það þurfi nauðsynlega að gera byltingu. Þetta er álíka gáfulegt og að heimta það að á öllum mannamyndum séu fæturnir sýndir, svo að það sé á hreinu að viðkomandi sé ekki fótalaus. Saga ljóð, ljósmynd eða lag geta sagt okkur margt, jafnvel þó hvert einstakt verk sé ekki þjóðfélagsleg alfræðiorðabók. Til dæmis má nefna verk eftir sjálfan höfuðpaur sósíalreal-

ismans, Máxím Gorkí, Náttbólíð, sem sýnt var hér í Þjóðleikhúsinu í fyrravetur. Þar nefnir Gorkí byltinguna hvergi á nafn, jafnvel þó hann sé að fjalla um fórnarlömb ómögulegs þjóðfélags. Hann lætur sér nægja að draga upp raunsæa mynd, gefa í skyn, en lætur áhorfandann um að draga ályktanir af því sem hann hefur séð, í trausti þess að hann hafi heilann til að hugsa með. Hann hefði svo sen getað sett einsog einn gallharðan byltingarmann í leikritið, til að segja okkur hvað sé rétt og hvað rangt.

En hefði hann gert rétt í því? Hefði áhrifamáttur verksins orðið jafnmikill ef allt hefði verið á hreinu þegar tjaldið féll og engin ófundin svör handa áhorfandann að glíma við? Ég leyfi mér að efast um að rétt sé að líta á pólitíska list aðeins sem aðra aðferð við að boða "réttu línuna", sem kemst fullt eins vel til skila í áróðursræðu eða ríti. Og hver er svo dómariinn yfir réttri og rangri stefnu?

Og út frá hvaða forsendum á hann að dæma? Réttar hugmyndir þróast í baráttunni við þær röng. Ég held að við getum óhikað tekið undir með féaga Maó Tse-tung, en hann sagði um þessi mál: "Látum hundrað blóm blómstra og hundrað stefnur takast á."

framhald af forsíðu

Ian Smith riðar til falls

en þessir tveir leiða hreyfingu svartra sem reiðubúin er að semja frið við kynþátta-kúgarana. Ætlun Smiths var að fyrirkomulag "lýðræðisins" yrði á þann veg, að hvítir menn hefðu 2 atkvæði en svartir 1 í þingskosningum landsins. Muzurewa gat ekki fallist á þetta "lýðræðisfyrirkomulag" og yfirgaf fundinn í fússi. Þessar tilraunir Smith til samninga við svarta leiðtoga, miða að því að svipta skæruliðasveitir ZANU hinu mikla fylgi sínu og koma líftilþægum og auðkeyptum þeim í sameiginlega stjórn

svartra og hvíttra undir eigin forystu. Það sem hefur knúið fram þessar órvæntingarfullu tilraunir Smiths, er fyrst og fremst hernaðarlegir sigrar ZANU og vaxandi fylgi þeirra meðal alþýðu Zimbabwæ. Það sýnir enn einu sinni réttmæti þess, að alþýðan getur aðeins frelsað sig með vopnum. Það sannar okkur að sigurinn verður aðeins unninn, ef auðvaldið er lagt í gröfina með vopnum-makk um stéttasamstarf leiðir aðeins til þess að kúgunin heldur áfram og frelsinu verður skotið á frest.

Þrjú ljód eftir Helga Jónsson

Báknið burt !

Burt með báknið !
segja ungir menn
með hreinar hugsanir
og standa föstum fótum
í kvíkmyndi frelsisins
í skugga Morgunblaðshallarinnar.

Og Höllin grúfir
yfir hugskoti okkar,
eins og miðaldamyrkrið,
sem grillti þó alltaf gegnum.

Burt með báknið !

Brjótum niður Morgunblaðshúsið
svo að rofi til í hugum okkar
og við getum veitt öðrum
betra frelsi en það sem við
erum föst í.

Aðvörun.

Félagar ! Borgarar !

Hætta steðjar að !
Afkomu vorri er ógnað !
Auðlindir jarðarinnar er að þrjóta .

Bregðist fljótt við !

Étið ! Gleypið !

(áður en næsta kynslóð étur frá okkur)

Dægurmál, eða hvað ?

"Gróðurinn eltir malbikið !"
hrópaði borgarstjórinn
og klappaði saman lófunum
og allir voru kátir og
töluðu um græna byltingu.

"Burt með þessi gömlu hús !"
hrópaði íhaldið.
"Við viljum steypa og malbika
svo græna byltingin
haldi áfram."

"Mannlífið eltir skipulagið !"
hrópaði forseti borgarstjórnar
og menn voru hamingjusamir
og ræddu um frelsi.

Svo koma þessir andskotar
og malbika frelsið.

Þeir eiga víst það, eins og annað.

Helgi Jónsson



Öreigar og kúgaðar þjóðir heims sameinist!
Stéttabaráttan
Útg: Kommúnistaflokkur Íslands m-l.



STÉTTABARÁTTAN
- kemur út vikulega -
Sími: 27810.
Gíró: 27810-6.

Abyrgðarm: Sigurður
Ingi Andræsson.

Sigurður Jón Ólafsson
Óðinsgötu 17B
101 R

Klofningsbrölt á ráðstefnu vintristúdenta

Sunnudaginn 12. febrúar, var haldin kosningaráðstefna vintristúdenta í Háskóla Íslands. Á þessari ráðstefnu var öllum vintristúðum í háskólanum boðið til að ræða sameiginlegan kosningagrundvöll vintristúdenta í komandi kosningum í lok mars. Þau mál sem lögð voru upp voru, lána-mál, menntamál, félagsstofnun stúdenta og skipulagsmál vinstri-meirihlutans. Stéttabaráttan náði tali af einum forystumanna vintristúdenta, skömmu eftir ráðstefnuna.

STB: Hvernig er starfi vinstri stúdenta háttað?

- Vaninn er sá í starfsháttum vintristúdenta að halda meiri hlutfundi og ræða þar ágreinings og stefnumál vintristúdenta. Eru þessir fundir haldnir mánaðarlega að jafnaði, auk ráðstefna sem eru tvær yfir veturinn. Því ber ekki að leyna, að innan ræða vinstri-stúdenta er að finna hina ýmsu skoðanahópa, en eitt sameinar vintristúdenta og það er félagshyggjan og baráttan gegn afturhaldinu í háskólanum. Þau mál sem við berjumst helst fyrir eru, jafnrétti til náms og menntun er mannréttindi. Þessum markmiðum viljum við m.a. ná með því að auka efnaleg og félagsleg skilyrði fólks, opna háskólann fyrir öllum sem vilja reyna við faglegar kröfur skólans, í stað þess að þurfa að ganga undir formlegar kröfur eins og t.d. stúdentspróf. Einnig er eitt af þeim málum sem þessu viðkemur, áframhaldandi baráttan gegn vísitölubindingu námslána. En fjölmörg baráttumál önnur eru í deiglu, sem of langt mál væri upp að telja.

STB: Skeði eitthvað markvert á þessum fundi? Kom eitthvað nýtt fram?

- Þessi ráðstefna gekk fyrir sig eins og aðrar ráðstefnur, stefnan var rædd og ágreinismál dregin fram í dagsljósið og reynt að gera þau upp. Það var þó eitt sem setti svip sinn á þessari ráðstefnu öðru fremur en það var að þar mættu nokkrir félagar úr EIK(m-l), sem héldu uppi harðri gagnrýni á stefnu vinstri-meirihlutans.

Þetta kemur sérstaklega á ávart, þar sem fulltrúar þeirra hafa ekki áður sett fram slíka gagnrýni á fundum vinstri-meirihlutans. Þó ber þess að geta að í málagnir þeirra Eik-manna hefur verið haldið uppi skíftastíli á vinstri-meirihlutann og stefnu hans. Þá vakti það og furðu manna, að formaður hagsmunaráðs og einn studentaráðsliða (báðir Eikarar) neituðu að taka þátt í undirbúningi kosninganna, þar á meðal að starfa í stefnuskrárnefnd. Furðulegt var í þessu sambandi að þeir settu nokkur ágreiningsmál á oddinn og virtust ekki geta sætt sig við málamiðlanir og þær tilslakanir sem gerðar voru af okkar hálfu, en slíkt er nauðsynlegt í breiðfylkingu sem þessari. Mönnum sem sátu ráðstefnuna kom saman um að svo virtist vera sem að þeir kæru sig ekki um að fá sæti í stefnuskrárnefnd til að koma sjónarmiðum sínum á framfæri. Undir lok fundarins var málum svo komið að þeir risu úr sætum, þvertóku fyrir nefndarsetu og geggu af fundi og báru því við að einn fundar-

manna hefði íað að því í hálfkæringi að vafasamt væri að Eik-menn og vintristúðum ættu samleið. En fullur vilji var engu að síður til samstarfs og málamiðlana hjá okkur. Ég tel svona klofningsbrölt vera síður en svo til að styrkja stöðu stúdentanna í hagsmunabaráttunni. Það er eingöngu til þess fallið að styrkja afturhaldið í skólanum.

STB: Að lokum, telur þú að Eik-menn, í ljósi þessara atvika, hyggi á sérframboð í vöðum kosningum til stúdentaráðs og háskólaráðs?

- Já, leiða má að því líkur, að hér hafi aðeins verið um að ræða undirbúning Eik-manna fyrir slíkt framboð. Og það felst að sjálfsögðu í að hér hafa þeir hugsanlega verið að búa til tilefnið í slíkt framboð. Í því tilfelli treysti ég fullkomlega á dómgreind þess meiri hluta stúdentanna sem hefur stutt stefnu okkar til sigurs undanfarin ár. Að lokum vil ég láta í ljós þá ósk að vintristúdentar eigi eftir að auka virkni sína og einingu.



'A Kvennahreyfingin að berjast gegn heimsvaldastefnunni?

1. febrúar s.l. var stofnuð í Reykjavík "8. mars-hreyfingin" og er ætluð hreyfingin að standa fyrir fundi í Tjarnarbúð á alþjóðlegum baráttudegi verkakvenna þann 8. mars.

Hreyfingin starfar undir tveim aðal kjörorðum: KVENNABARÁTTA Á GRUNDEVILLI STÉTTABARÁTTU og sem helstu baráttumál þar: -Gerum verkalyðs-félögin að baráttutækjum.

-Dagvistarrými fyrir öll börn. -Fulla atvinnu- gegn fjöldauppsögnum. - Sjálfsákvörðunar-rétt kvenna til fóstureyðinga. Hitt kjörorðið er: GEGNALLRI HEIMSVALDASTEFNU og

helstu baráttumál þar: -Gegn stríðsfyrirætlunum risaveldanna. Ísland úr NATO - herinn burt.

All nokkuð hefur verið fjallað um kvennabaráttu á grundvelli stéttabaráttu í Stéttabaráttunni og verður það ekki gert að umfjöllunarefni í þessari grein. Hins vegar hefur ekki verið bent á hvernig kvennabaráttan tengist baráttunni gegn heimsvaldastefnunni. Verður reynt að gera því nokkur skil í þessari grein.

Þegar minnst er á konur og and-heimsvaldasinnuða baráttu í senn, dettur flestum í hug friðarhreyfingar. Friðarhreyf-

ingar eru margar og margvíslegar. Sumar eru afturhaldssamar og starfa undir kjörorðinu: "Betra er að svelta í friði en að berjast fyrir brauði." Aðrar eru framsæknar og berjast gegn og afhjúpa orsök ófriðarins -heimsvaldastefnuna- með því að höfða til "friðarsinna". En ekki eru þetta einkamál kvenna og hvernig getur þá kvennabaráttan snúist gegn heimsvaldastefnunni á sérstakan hátt?

Á "kvennaárinu" svo nefnda 1975, voru haldnar margar ráðstefnur um réttindi kvenna. Kom þar í ljós nokkur ágreiningur milli kvenna úr ríkjum 3. heimsins og kvenna frá Vesturlöndum og voru þær vesturlensku alveg gáttaðar á afturhaldssmiðna. Konur 3. heimsins sögðu nefnilega margar hverjar: "Það er ekki aðal baráttumál okkar að fá fullt réttindi á við karlmenn. Þjóðir okkara eru við erfiðari vanda-mál að glíma. Við þurfum að standa við hlið eiginmanna okkar og efla sjálfsráust þeirra, svo þeir séu reiðubúnir til baráttu

framhald á síðu 2.

Látum hundrað blómblómstra

Hingað til hefur Stéttabaráttan lítið fjallað um svokölluð menningarmál. Það stafar þó ekki af því að félagar í Kommúnistaflokknum hafi ekki áhuga á efniinu. Bæði innan flokks og utan fara fram líflegar og á köflum nokkuð heitar umræður um listina tilgang hennar og gildi. Koma þar upp ýmsar skoðanir og allavega túlkningar. Kommúnistar skoða listina í ljósi stéttabaráttunnar, og segja að listin sé ekki yfir þjóðfélag og vanda-mál mannlefsins hafin. Hún er aðeins tjáning á reynslu, viðhorfum og tilfinningum listamannsins, en allt þetta er háð umhverfi hans, þjóðfélaginu. Hinsvegar eru þeir sem segja

"listin fyrir listina" og halda að listin sé eitthvað háleitt og göfugt, utan og ofan við brauðstrit og dægurpras. Þarna er um að ræða djúpan ágreining, tvær ósattanlegar stefnur.

Mikill misskilningur, eða öllu heldur rangtúlkun á stefnu kommunista í þessu málaveður nú uppi, jafnvel í þeirra eigin herbuðum. Hann er sá, að fyrir okkur sé ekkert til sem hægt er að kalla listgildi, að við lítum á listina sem einbert valdaáróðurstæki. Þetta hefur oft heyrst, og má m.a. finna þess: skoðun í uppflettiritinu Bókmenntir eftir Hannes Pétursson sem er hluti af bókaflóknum Alfréði Menningarsjóðs. Þar

er því haldið fram að sósíalrealismi sé "sovísk bókmennta" stefna sem einnig hefur fest rætur í alþjóðlýðveldum Austur-Evrópu. "Þetta var skrifað árið 1972. Það er rétt að sósíalrealisminn var upphaflega sovískur. En hvaða stefna var það nú aftur sem Íslenskir sósíalistar fylgdu í Rauðum þemum? Og undir hvaða ætli maður eigi að flokka kínverskar nútímabókmenntir? Ennfremur segir Hannes: "sósíalrealisminn er að því leyti 'nytsemistefna' að höf. er gert að boða á alþjóðlegan hátt (með því að draga upp einfaldar fyrirmyndir) gildi þess að sött sé fram til kommúnisma, m.a. skal fólk í skáld-

verkum vera persónugervingar pólitískra hugsjóna sovétskipulagsins eða þjóna þeim óbeint á annan hátt. S. er einnig að því leyti pólitískur að hann er af valdhöfunum tekinn fram yfir aðrar stefnur sem réttur og leyfilegur." Þarna er Hannes enn að reyna að troða þeirri hugmynd uppá okkur að skoðanakúgunin sem viðgengst í Sovétríkjunum sé hinn eini sanni sósíalrealismi. Ég legg til að við tökum þeirri fræðslu með fyrirvara. Ég vil líka vekja athygli á því að sósíalrealistar skrifa ekki eingöngu barnabækur eftir löngu ureltum og borgframhald á síðu 3